

Broj: 01-02/2-2929/24 SK, LM
Sarajevo, 12.12.2024. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM** ✓
n/r gosp. Dragan Mioković, predsjedavajući
n/r gosp. Haris Silajdžić, poslanik

Босна и Херцеговина
Федерација Босне и Херцеговине
**ПАРЛАМЕНТ ФЕДЕРАЦИЈЕ
САРАЈЕВО**

Primljeno: 13-12-2024			
Org. jed.	Broj	Priloga	Vrijednost
05/1	-02-	633	/24

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE**
n/r gđa. Edita Kalajdžić, sekretar

Predmet: Odgovor na poslaničko pitanje, **dostavlja se-**

Veza: Akt predsjedavajućeg Predstavničkog doma Parlamenta Federacije Bosne i Hercegovine, broj: 05/1-02-633/24 od 28.11.2024. godine i akt sekretara Vlade Federacije Bosne i Hercegovine, broj: 03-04-1790-4/2024 od 02.12.2024. godine

Poštovani,

Aktima broj i datum veze, Federalnom ministarstvu rada i socijalne politike dostavljeno je poslaničko pitanje koje je postavio Haris Silajdžić, poslanik u Predstavničkom domu Parlamenta Federacije Bosne i Hercegovine koje se odnosi na status Zakona o psihološkoj djelatnosti. U skladu sa navedenim dostavljamo odgovor ispred Federalnog ministarstva rada i socijalne politike kako slijedi:

Naime, na svojoj 23. sjednici, održanoj 22.12.2023. godine, Vlada Federacije Bosne i Hercegovine je aktom premijera Vlade FBiH, broj: 03-02-1343/2023 od 22.12.2023. godine, uputila Nacrt Zakona o djelatnosti psihologa u Federaciji Bosne i Hercegovine, u parlamentarnu proceduru, na razmatranje i prihvatanje. Nadalje, dana 03.05.2024. godine, aktom sekretara Vlade Federacije Bosne i Hercegovine, broj: 03-02-1343/2023, Federalnom ministarstvu rada i socijalne politike je dostavljen Zaključak Predstavničkog doma Parlamenta Federacije Bosne i Hercegovine, broj: 01-02-300/23 od 22.04.2024. godine, kojim se informiše ovo Ministarstvo o prihvatanju Nacrta Zakona, te se isto zadužuje da provede Javnu raspravu u trajanju od 60 dana, te prilikom izrade Prijedloga zakona uvrsti prijedloge i sugestije iznesene na nastavku 10. redovne sjednice od 22.04.2024. godine, na naprijed navedeni Nacrt Zakona.

Aktom sekretara Vlade Federacije Bosne i Hercegovine, broj: 03-02-1343/2023 od 24.07.2024. godine, Federalno ministarstvo rada i socijalne politike je obaviješteno da se o Nacrtu Zakona neće raspravljati niti izjašnjavati, na sjednici zakazanoj za 18.07.2024. godine, usljed usaglašenog dogovora između predsjedavajućeg Doma naroda Parlamenta Federacije Bosne i Hercegovine i predlagača zakona, dakle Vlade Federacije Bosne i Hercegovine, o čemu su također, aktom predsjedavajućeg Doma naroda Parlamenta Federacije, broj: 02-02-3000/23 od 16.05.2024. godine, obaviješteni i predsjedavajući i dopredsjedavajući Zastupničkog doma Parlamenta Federacije Bosne i Hercegovine.

Imajući u vidu sve naprijed navedeno, smatramo potrebnim naglasiti važnost usvajanja predmetnog zakona, posebno ako se uzmu u obzir trenutne okolnosti izazvane bujičnim poplavama u nekoliko gradova u Federaciji Bosne i Hercegovine s posebnim naglaskom na Općinu Jablanica. Naime, neosporna je potreba za osiguranjem psihološke podrške i pomoći stanovništvu koje je pretrpilo prirodne katastrofe. S tim u vezi, Ministarstvo očekuje da će se zakonsko rješenje uskoro naći u parlamentarnoj proceduri, kako bi isto bilo i usvojeno.

S poštovanjem,



Dostaviti:

- Naslovu
- a/a